

**Kalaallit Nunaanni atornerluisut katsorsaanermut ilinniarfimmik
pilersitsisoqarnissaanik Naalakkersuisut sulissuteqaqqullugit Inatsisartut
aalajangiiffigisassaattut siunnersuut**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliap**

ISUMALIUTISSISSIONTAA

**Aalajangiiffigisassatut siunnersuutip aappasaaneerneqarnissaanut
saqqummiunneqartoq**

Kultureqarnermut, Ilageeqarnermut, Ilisimatusarnermut Ilageeqarnermullu ataatsimiititaliaq suliarinninnermini ukuninnga inuttaqarpoq:

Harald Bianco, Inuit Ataqatigiit
Debora Kleist, Inuit Ataqatigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

Kultureqarnermut-, Ilinniartitaanermut-, Ilisimatusarnermut Ilageeqarnermullu ataatsimiititaliaq UKA09-mi ulloq 23. oktober 2009 siullermearinninnerup kingorna siunnersuut misissorpaa.

Siunnersuutip imarisai

Siunnersuuteqartut siunnersuuteqarnerminni kissaatigaat, Nunatsinni atornerluisunut katsorsaanermik ilinniarnermik aallartitsisoqarnissaa atornerluinernik suugaluartunilluunniit akiuiniartussanik. Siunnersuutip piviusunngortinneqarnissaanut anguniakkami ilinniakkanut taakkununnga attuumassuteqartumik ilinniartitaanerup ilanngunneqarnissaa siunnersuuteqartunit takorloorneqarpoq. Siunnersuuteqartut tassunga atatillugu immikkut oqaatigaat:

... ” nunatsinni katsorsaanermik ilinniarfeqalernissaanut amerlasuutigut pissutissaqarluartoq, ilaatigut tamanna pisinnaavoq ilinniarfiit pioreersut attuumassuteqartullu annertusaavagineqarnerisigut.

Takorloorparput ilinniartitaaneq inunnik isumaginninnermik aallaaveqartinneqassasoq, ilinniartitaanerlu ilisarnaateqassasoq pilersaarusrorseqartassorlu atuagarsornikkut siammasissumik tunngaveqartumik, taamaattorli aamma Kalaallit Nunaanni katsorsaanermik ingerlataqarnermut naapertuuttumik aaqqissugaassasoq.

Katsorsaanermik ilinniarneq aqqutigalugu ilinniagaqartut piukkunnarsassapput ilaatigut siunnerfilimmik inuttut misilittagaat tunngavigalugit qaffasissumik pitsaassusilimmik atornerluisunut sullissinissaminnut sakkussaqarluartut. Tamatuma saniatigut takorloorparput tunngaviusumik perorsaanermik, tarnip pissusiinik aammalu inoqatigiiit akornanni pissutsinik ilinniartinneqassasut tamatumalu ilutigisaanik katsorsaanermi periaatsit nunani allani atorneqartut isumassarsiorfigineqartassasut takorloorparput”.

Siunnersuutip aningaasaqarnikkut kinguneqaatissai

Siunnersuut qanoq aningaasaqarnikkut piviusunngortinneqassanersoq siunnersuuteqartunit oqaatigineqanngilaq, innersuussutigineqarlunili ataatsimiititaliami suliarinninnermut atatillugu tamanna nalilersorneqassasoq.

Siunnersuummut akissuteqarnerminni aningaasaqarnermut tunngasortai Naalakkersuisunit eqqaaneqanngillat.

Siunnersuut akuersissutigineqarpat Nunatta Karsianut aningaasartuutinik kinguneqarsinnaanera takorloorneqarsinnaavoq. Taamaattoq siunnersuutip piviusunngortinneqarnissaanut atatillugu qanoq aningaasartuuteqarnissaq ataatsimiititaliamut eqqoriaanissamut tunngavissiinngilaq.

Siunnersuutip Inatsisartuni siullermeerneqarnerani tiguneqarnera

Naalakkersuisunit inassutigineqarpoq, siunnersuut taperserneqassanngitsoq tassa ilaatigut susassaqarfik ilinniartoqarfinni eqqumaffigineqareermat kiisalu ilaatigut suleqatigiissitat tallimaasut inerniliussaat isumaginnittoqarfiup iluini suliniutinik pisariaqartitsinermik qualaajaasussat utaqqimaarneqarnissaat Naalakkersuisut kissaatigimmassuk. Suleqatigiissitani sammineqartut ilagaat piginnaasanik ineriartortitsinissamut periarfissat. Naalakkersuisut allapput:

” Suleqatigiissitat nalunaarusiaat 2009-mi oktobarip naanerani naammassineqartussaq ilinniartitaanermut tunngasuni suliniutissatut

siunnersuutinik, assersuutigalugu ilinniartitaanernik pikkorissartitsinernilluunniit nutaanik imaqassaaq.”

Inuit Ataqatigiit inassutigaat, suleqatigiissitat inassuteqataat utaqqimaarneqassasut. **Siumup** kissaatigaa suliaq pillugu pitsaanerusumik paasissutissiisoqassasoq. **Demokraatit Kattusseqatigiillu Partiata** siunnersuut itigartippat kissaatigalugulu suleqatigiissitat inassuteqaatai utaqqimaarneqassasut.

Taamaattorli isumaqatigiissutigineqarpoq siunnersummik aappassaaneerinninnissaq 2010-imi upernaakkut ataatsimiinnissamut kinguartinneqassasoq, taamaalluni ataatsimiititaliap sulinermanni suleqatigiissitat inassuteqatai ilanngunniassammaticik.

Ataatsimiititaliap siunnersummik suliarinninnera

Suleqatigiissitat nalunaarusiaa tamakkiisoq Ataatsimiititaliamit atuarneqarpoq taamaattorli piginnaasanik ineriertitsinermut tunngasortaa suleqatigiissitat eqqartugaat immikkut soqutigalugu.

Ataqatigiissaarinerter, ilinniartitaanermik, ilinniarteqqinnejarternermillu kiisalu isumaginnittoqarfiup iluani annertunerusumik ilisimasaqarnissaq pillugit nalunaarusiapi inassuteqaataanni assiginngitsuni nalinginnaasumik ersersinneqarnerat Ataatsimiititaliamit maluginiarneqarpoq.

Susassaqarfinti amerlanerni inassuteqaatit siammasissumik nassuiarneqarnerat aammattaaq ataatsimiititaliamit maluginiarneqarpoq. Tamanna isumaginnittoqarfiup iluani ajornartorsiuteqarnerup imaannaanngissusiinik ersersitsinertut Ataatsimiititaliamit isumaqarfigineqarpoq, taamaattumillu aaqqiissutissanik oqitsunik pisariitsunillu toqqaasoqarsinnaanani.

Suliassaqarfimmi immikkut ittumik suliniuteqartoqarnissaa pisariaqartutut taaneqarmat nalunaarusiami uppernarsarneqarnera pillugu Ataatsimiititaliaq isumaqarpoq, aammattaarli susassaqarfimmi pingaarnersiuinissap ajornakusoornera ilanngullugu. Tamanna nalunaarusiapi immikkoortuisa ilaanni aqutsisoqatigiit inassuteqaataanni takuneqarsinnaavoq, tassani ersersinneqarmat inassuteqaatinik ataatsimoortunik suliaqarnissaq aqutsisoqatigiinnut periarfissaasimanngitsoq. Taamaattorli ersersinneqarpoq aqutsisoqatigiit ilaasortaasa ilaasa akornanni inassuteqaatit makku annertuumik tapersorsorneqartut:

- Isumaginninnerup iluani isumaginninnermi inatsimmik sulianillu suliarinnittarermi inatsimmik sulisunut ilinniartitsinerup pimoorunneqarnissaa

- Isummertarnerup sulissutiginissaanut isumaginninnikkullu akisussaassutsimik suliassat
- Illoqarfinni nunaqarfinnilu anginerusuni tamani meeqqat inuusuttullu ornittagassaannik pilersitsineq
- Suliaqarfiiit akimorlugit Kalaallit Nunaanni meeqqanut siunnersuisoqatigiinnik pilersitsineq
- Kalaalit Nunaanni meeqqanut sullissivimmik pilersitsinissaq

Atornerluisunut katsorsaasunik ilinniartitaanermik aallartitsisoqarnissaanik suleqatigijit aqtsisoqatigiilluunniit arlaat kaammattuuteqanngimmat ataatsimiitaliami amerlanerussuteqartunit maluginiarneqarpoq, isumaginninnikkulli ilinniartitaanerit nukittorsarneqarnissaat ataatsimut isigalugu pingaartinneqarluni.

Nalunaarusiami kaammattuutit kingunerisaattut ilinniartitaanerup iluani suliniutit qanoq ittut Naalakkersuisunit aallartisarneqarnerat pillugu Naalakkersuisunit ilisimatinneqarnissani ataatsimiitaliap qinnutigaa.

Siunnersummi siunertarineqartut nalunaarusiapi kaammattuutaanni tapersorsorneqarmata Atassutip paasivaa, nalunaarusiallu kaammattuutaanni amerlaqisuni ilinniartitaanerunissamik piginnaasaqarnerunissanillu amerlanernik pisariaqartitsinermut tunngassuteqartoq, immikkullarissumillu atornerluisunut katsorsaanermik ilinniartitaanermik imaluunniit ilinniartoqarfiiit attuumassuteqartut susassaqarfimmi annertunerusumik ilisimasaqarnissaannik qulakkeerinninnissaq tikkuarlugu.

Inassuteqaatit

Qulaani allassimasut tunngavigalugit Ataatsimiitaliami amerlanerussuteqartut Inuit Ataqatigiinneersut, Demokraatineersut kiisalu Siumumeersut siunnersuut itigartinneqassasoq inassutigaat.

Tamanna tunngavigalugu **Ataatsimiitaliami ikinnerussuteqartut Atassummeersup** siunnersuut akuersissutigineqassassoq inassutigaat.

Taama oqaaseqarluni ataatsimiitaliap siunnersuut aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen